

Tik Dongimin Somoio!

Kachinike Agansoani Kamrangko
Parape-aha



Amazing Facts
Poraiani

18



Nang-ni asongani beltko ganbo! Da-ode na-a Sastroni bakrobatsranggipa katchinike aganani somoini gimin sandie ninasienga—jean chu-soksrange Jisuni skanggipa re-baani gimin aro Uni siani somoini gimin agansoaha. Poraiani lesson 16 o naa skie raaniko dakaha je Isolo Kristoni rebana skang agilsakna namen gamchatgipa nama katta donga. Ia nama kattani skanggipa bakara Isolko olakkichina manderangko okamani aro Uko rasong chaatanian ong-a, maina Uni bichalni konta sokbaaha (**Parape-a 14:7**). Daniel odhai 8 aro 9 o, Isol An-tangni bon-kamgipa bichal ka-aniko a-bachengna, aro Kristoan Messaia ong-a ine sakkiko on-na bilakgipa katchinike agansoani somoikoba parape-aha. Indake, Sastroo darang gipin nangchongmotgipa katchinike aganani dongja—indioba adita manderangsani iani gimin u-iaia! Gipinrangde chu-gimikan iani giminde ma-sisrangja. Ka-sapae Daniel odhai 8 aro 9 ko ia Porainiko dakna skang poraichengbo, aro ia katchinike agananiko na-a ma-sie ra-na Isolni Gisikni dilaniko am-chengbo.

1

Nikanio, Daniel salaramchipak, aro salgrochipak, aro salgipengchipak sikrurugipa grong ge-gni gnanggipa mes bipako nikaha aro uni mikkango darang matburungba chadengna amjachim (Daniel 8:3, 4**). Ia mes bipa maiko mesokakaha?**

“Nang-ni nikgipa grong ge-gni gnanggipa mes bipa, uarang Mediani aro Persiani rajarang ong-a” (Daniel 8:20**).**

Aganchakani: Mes bipara skango ong-anggipa Meso-Persia songnokko mesokaha, jean **Daniel 7:5** o mapilchiba mesokaha. Sastroni Daniel aro Parape-ani ki-taprangko katchinike agananirang, “ong-piltaiani aro apalbatatani” niamrangko jarika jeni ortoan uamang batanggimin odhai podrangko janapgipa katchinike agananirangko dakpiltai aro uarangko apalbatataha. Indake dakaniara Sastroni katchinike agananirangko rongtalbatata aro chong-mot ong-ata.



*Mes bipa
Medo-Persiko
mesoka.*

2

Maia gisiko nangatgipa matburungko Daniel ja-mano nikaha?

“Aro ua merang gnganggipa do-bok bipara Greece raja ong-a; aro uni mikronrangni gisepo dal-gipa grongara skanggipa raja ong-a. Aro ua be-gimin grongni pal ge-bri nataigipara, ua jatoni songnok gebri ong-katgen, indiba uni bilchi ong-ja” (Daniel 8:21, 22).

Aganchakani: Danielni gegpin nikanio, ta-rakbee katenggipa grong ge-sangipa do-bok bipa nabaaha. Ua mes bipako dagrikaha aro chee amaha. Dalgipa grong beatako manahachim aro uni biapo gebri grongrang nadoaha. Dobok bipa gitangipa Greece songnokko mesoka, aro dal-gipa grong Alexander the Greatko mesoka. Dal-gipa grongni palo ge-bri grongrangara dambri songnokrangko mesoka jean Alexander the Greatni songnokoni bak dakatako man-aha. **Daniel 7:6** o, ia songnok dambirangara matchapeng matburungni sko dotbrirangchi mesokaha, jean Greece songnokko mesoka. Ia chinrang inditan kragipa ong-aha je iako itihis serikanio altue ma-sina gita man-aha.



*Anetsu pesu
Greece kukaqha
kimighitsu*

3

Daniel 8: 8, 9 ni gitade, chongipa grong ja-mano dal-rorobaaha. Chongipa grongara sako mesoka?

Aganchakani: Chongipa grong Rome songnokko mesoka. Mitamrang Antiochus Epiphanes, Seleucid rajako mesoka ine aganaha jean Palestine a-songko gnigipa ritcha bilsil jolo Kristona skang sason ka-aha aro jean Jihudirangni olakkianirangko champenganiko dakaha. Sakgipinrang, Nampilatanina kamko ka-gipa dilgiparangko man-gope songsarek aro popeni bimango ong-gipa Romeko mesoka ine bebera-aha. Hai an-ching sakirangko cheke nina.

- A.** Katchinike agananio songnokko “rikna aro apalabatatna” Romeko iano bil gnanganiko mesokna nangaha maina Daniel 2 aro 7 rango Romeko Greeceni ja-mano re-banasigipa songnok ine mesokaha. **Daniel 7:24-27** oba popechi sason ka-ako man-gipa Rome songnokara Kristoni songnokchi sason ka-skaaha ine bebe ong-aniko mesokaha. Daniel 8 ni chongipa grongan iana meligipa mesokani ong-aha: Uan Greeceni ja-mano ong-aha aro bon-chotao dingtangmanchagipa kosakni bilchi nisiatako man-aha—“jakchi denotgijagipa ro-ong dotsa”—Kristoni gnigipa re-bapilanio nisiatako man-gen. **(Daniel 8:25ko Daniel 2:34 baksa tosusabo.)**
- B.** **Daniel 8** o agana Medo-Persia “dal-atako” man-aha **(pod 4)**, Greecerang “namen dal-atbeako” man-aha **(pod 8)**, aro chongipa grong “namen daloroangaha” **(pod 9)**. Serikanio namen rongtalbea je Greece songnokni ja-mano aro Israelko ra-anio Rome songnok gitade darang bilba “dal-rorogipa” dongjaha.



- C. Katchinike agansogimin gitan, Rome songnok an-tangni bilko salgipeng (Egypt), salaram (Macedonia) china, aro "Rongtalgipa A-song" (Palestine) ona kingking apalbatatoroaha (pod 9). Rome songnokna agre darang gipin mongsonggipa bilko iako mesokna dongja.
- D. Rome songnoksanmangmang Jisu, "Kotokrangni Pamong"ni (pod 11) aro pamongrangni pamongni (pod 25) kosako chakataha. Songsarek Rome Uko chisolo datkapaha. Uan Jihudi toRomrangna nokkoba nisiataha.

Aro songsarek Rome salgini toRomrangna nokko "galonaha" (pod 11) aro "ga-belbele" (pod 13) an-chingni Jisu, salgio Dalgipa Kamalni nangchongmotgipa dandike on-ani kamrangko a-gilsakni kamalchi biapko ra-skaha jean paprangko watna man-a ine kange ra-aha. Isolna agre darangba paprangko kema watna man-ja (Luk 5:21). Aro Jisuan an-chingni chong-motgipa kamal aro baltichakgipa ong-a (1 Timothy 2:5).



*Daniel Odai
8 o janaggipa
"chonggipa grong"
songsarek Rome
aro Roman Papacy
ni bonkaman salo
ka-gni kamko
mesoksoa*

4

Daniel 8 an-chingna u-iataniko daka je ia chonggipa grongni bilara Isolni bang-a manderangkoba nisiatgen (pod 10, 24, 25) aro bebeko a-o galongen (pod 12). Baditana kingking Isolni manderangko aro salgini toRomrangna nokko ja-achi ga-belbelgen ine sing-on, salgini aganchakaniara maidake ong-achim?



*"Chonbegipa grong" bang-a
million Isolni manderang ko
arisanalachi nosto Kaaha*

"Aro ua angna aganaha, Hajalgni aro ritchagitam atamrang, aro pringrangona kingking; unon rongtalgipa biap namatako man-pilgen" (Daniel 8:14).

Aganchakani: Salgini aganchakanide indake ong-achim je salgio toRomrangna nokara 2,300 katchinikani salrangni ja-mano rongtalaniko man-gnokchim, jean 2,300 chong-motgipa bilsirang ong-a. (Sastroni katchinike aganano salsara bilsisana ong-a. **Ezekiel 4:6** aro **Chananai 14:34 ko nibo**). An-ching skie ra-manaha je chengo Israelni somoio a-gilsakni toRomrangna tambuko rongtalanani Nangrimatani Salo ongaha. Ua salo Isolni manderang

Uni ong-a ine rongtalbee u-ie ra-aniko dakako man-na nangachim aro uamangni paprangko serikaniko ra-galahachim. Jerangan papo dongkuenga Israeloniko pangnajolna den-sote galrongachim. Indake a-tip paponi rongtalaniko man-ahachim. Iano salgiara Danielna ka-dongataniko on-engachim je pap aro chonggipa grong bil silrorona, ag-ilsakko bilo donna, aro Isolni manderangko pangnajolna a-rik sanalna man-jawaha. Indiba, 2,300 bilsirango Isol salgini Nangrimatani Salo, ba bichalni somoio ja-kuko de-gen, jensalo pap aro gisik pil-gijagipa papirangko sandigen aro

ja-mano a-gilsakoniko pangnajolna kimitsranggenchim. Indake a-gilsak paponi rongtalatako man-genchim. Isolni manderangni kosako ong-gija dakaniko bonchotao kakket onganiko dakgen, aro tom-tomani aro Edenni ku-cholsan ong-aniko changsatai a-gilsako gapatgen.

5

Maia babbak dakna nanganiko Gabriel sa-gre agantaitaianiko dakaha?

"O Mandeni depante, ua nikani bon-kamani salni gimin ong-a ine ma-sibo. ... Nibo, ka-onangani bon-kamgipa salarango mai ong-gen uko anga nang-na u-iatgen ... Indiba na-a ua nikaniko chipchangbo, maina uan ong-gnigipa bang-a salrangna ong-a"
(Daniel 8:17, 19, 26).



Aganchakani: Poraiani lesson 15 o an-chingni skie ragimin gitade, Gabriel sa-gre talataniko dakaha je 2300 bilsni gimin nikaniko on-aniara bon-kamani somoio ong-gipa obostarangni gimin ong-a, jean 1798 bilsionin a-bachengaha. Sagre anchingko masianiko nangnikaha je 2,300 bilsini gimin katchinike agananiara nama katta ong-a jean a-gilsakni itihasni bon-kamani somoio dongenggipa an-ching pilaknan mongsongbate ong-a. Da-alo ian anchingna dingtangmanchagipa orto donga.

Daniel Odhai 9 ni gimin aganchengani

Daniel odhai 8 o nikaniko onani jamano, Gabriel sagre rebaaha aro nikani gimin una talataniko onna abachengaha. Jensalo Garbiel 2,300 salrangni gimin agane matchotahaon, Daniel a-ao ga-akaha aro adita somoina saaha. Ua an-tangni bilko man-piltaiaha aro rajani kamko ka-na a-bachengtaiaha indiba talatkugijagipa nikani gimin namen jajrengbeaha—ian 2,300 salrangni gimin ong-a. Daniel an-tangni Jihudi manderangna gisiko nange bi-aha jerangan Medo-Persiani rimgittanganio ong-ahachim. Ua an-tangni paprangko ku-rachakaha aro Isolo Uni manderangni papko watchina mol-molaniko dakaha. Ia Poraianiko dakna skang ka-sapae Daniel 9ko poraina da-o somoio ra-bo.

6

Daniel bi-e dongengmitingo, sawa uko dangtapaha aro maidakgipa nama katta baksa ong-aha (Daniel 9:21-23)?


Aganchakani: Gabriel sagre uko dangtapaha aro Daniel 8 o talatgipa bangki dongkuenggipa nikani gimin talatna gita re-baaha ine aganaha (Daniel 8:26 ko Daniel 9:23 baksa tosusabo). Daniel bi-aniko dakaha je Isol Gabriel sa-grechi on-gipa Isolni nama kattako u-ina uko dakchakgen.



7

2,300 bilsirangoniko baditako Danielni manderangna, Jihudirangna aro uamangni skotong songjinma Jerusalemna “tik donmanaha” (Daniel 9:24)?

Aganchakani: Anti sotsniko Jihudirangna “tik donmanaha” la anti sotsni katchinikani antirangara 490 chong-mot bilsirang baksa apsan ong-a ($70 \times 7 = 490$). Isolni manderang ru-utgijan Medo-Persiao rim-gittangaoni re-bapilgnokchim, aro Isol 2,300 bilsirangoniko 490 bilsirangko An-tangni manderangna gisik pil-na aro Una dangdike on-na on-genchim.



8

Maia obosta aro tarikko 2,300 bilsirangni a-bachengani aro 490 bilsini katchinike agananirangna chin dake donaha (Daniel 9:25)?

Aganchakani: A-bachengani somoide Persiani Raja Artaxerxeni hukumko on-aoni a-bachengahachim jeon Isolni manderang (jerangkon Medo-Persia ona rim-ggitangahachim) Jerusalemona re-angpilchina aro songjinmako rikpiltaina watatako man-aha. la hukumko **Ezra odhai 7** nikna man-aha, jekon 457 BC o hukumko onaha—rajani snigipa sason ka-ani bilsni (**pod 7**)—ritim kari somoio a-bachengataha. Artarxes an-tangni sason ka-aniko 464 BC o a-bachengaha.



Artaxerxes raja Jerusalemko 457 BC o rikpiltachina ge-etaniko dakaha.

9

Sa-gre aganaha je (69 katchinike aganani antirang, ba 483 bilsirang ($69 \times 7 = 483$), 457 BC ona chandapode Messiaona sokgenchim (Daniel 9:25). lan ong-ahama?

Aganchakani: Oe! Hisap ka-anio indake mesokaniko daka je 457 BC oni chanbae 483 bilsirang AD 27 ona sokea. (Uibo: uano 0 bils dongja). "Messaia" ingipa kattara "to nonggimin" (Johan 1:41) ni miksonganikoba man-gopa. Jisu Gisik Rongtalgipachi (Luk 3:21, 22) to nongako man-aha (Watatarang 10:38). Uko to nongani Tiberius Kaesarni (Luk 3:1) chibongagipa sason ka-ani bilsio ong-aha, jean AD 27 o onga-hachim. Aro ian bils 500na skangan agansomanaha ine chanchiatna man-a! Indake "sal chu-sokahaon" Jisu skiprakna a-bachengaha. Indake Ua katchinike agananiko chusokataha (Mark 1:14, 15; Galatirangna 4:4). Uni gimin Jisu chong-motde 2,300 bils katchinike agansogimino pangchake An-tangni kamko ka-na a-bachengaha, jean uni gamchatani aro tik dongimin somoio ongaha. lan aiao inmanpilani aro gisiko nangatgipa saki ongaha:



- A. Sastro Isolni dongimin katta onga.
- B. Jisun Messaia onga.
- C. 2,300 bils/490 katchinikani bilsirangara chong-mot ong-a. lan mairongpilgipa kimkingipa pangchakani jeon rikna man-a!

10

An-ching dao 490 katchinike aganani bilsini 483 bilsirangni gimmin chanchiaha. Uano katchinike agananiao antisani gimmin janapaniko daka—uan dongspa bilsisni ong-a (Daniel 9:26, 27). lani ja-mano mai ong-a aro basako ong-a?

Aganchakani: Jisuara "densotako man-aha" ba "chisolo datkapako man-aha," jean Uko to nongani bils gittam adha jamano ongaha- ba AD 31. Ka-sapae iakon u-ie ra-bo iani gimmin pod 26 parape-aniko dakaha: "Aro Ua sotdok gni antirangni ja-mano ua to nonggimin den-sotako man-gen, aro Uni pilakba ong-jawa." Isolko mitelbo!—jensalo Jisu den-sotako man-ahaon, uan An-tangna ong-jahachim. Ua "papko dakjachim" (1 Pitor 2:22) indiba an-chingni paprangna chisolo datkapako man-aha (1 Korinthirangna 15:3; Isaia 53:5). Jisu kasae aro ske Antangni janggiko anchingko paponiko jokatna onaha. Hallelujah! Mairongpilgipa Jokatgipa! Jisuni sichakanian Daniel odhai 8 aro 9ni mongsonggipa ong-a.



11

Jisu bilsil gittam adhani ja-mano siahani gimin, **Daniel 9:27** o katchinike agansoani gita maikai pilak bon-kamgipa sninggiparangs bilsirangna Ua “bang-a baksa bilakgipa kumonggrikaniko” dakaha?



*Sninggiparangs
Jihudi manderangna
Aganprakgipaha.*

Aganchakani: Ku-monggrikaniaara manderangko paprangoniko jokatna Uni pattigimin ku-monggrikanig onga- (**Ibrirangna 10:16, 17**). Uni bilsil gittam adhana dangdike onaniko matchotahaon, Jisu An-tangni sninggiparangchi ku-monggrikaniko mangrakataha (**Ibrirangna 2:3**). Ua uamangko skanggipa ilhudi jatona watatchengaha (**Mati 10:5, 6**) maina Uni seokgimin manderangna uamangni 490 bilsini bilsil gittam adhana jatsa ong-e gisik pil-na dongkuengachim.

12

Jensalo Jihudi jatna 490 bilsini bonkamgipa chol AD 34 matchotahaon, maiko sninggiparangs dakaha?

Aganchakani: Uamang nama kattako a-gilsakni gipin manderangna aro jatrangna skiprakna a-bachengaha (**Watatarangs 13:46**). Stephen, saksa toromigipa deaconko, AD 34 o mande jinmani mikkango ro-ong gotate so-otaha. Ua somoionin, Jihudirang, uamang jinmaan Jisuko aro Isolni miksonganiko jegalahani gimin, Isolni seokgiminrang ba jat ong-jaha. Uni palo, Isol da-o pilak jatrangni manderangko chanaha jerangan gisik gita Jihudirang ong-e Uko ra-chakaha aro dangdike on-aha. Uamang “ku-rachaka gita man-rikgiparangs” (**Galatirangna 3:27-29**) ong-e Uni seokgimin manderangs ong-baskaaha. Beben Gisikni gita Jihudirang, Jihudi manderangkoba man-gopa jerangan Jisuko paltangs ong-e rachaka aro dangdike on-a (**Romrangna 2:28, 29**).

*Stephenko ro-ong gotate
so-otani ja-mano, sninggiparangs
Gipin Jatrangna skiprakna
a-bachengaha.*



13

AD 34 ni ja-mano, 2,300 katchinikani bilsini badita bilsirang dongkuenga? Katchinike agananina badiasa bon-kamgipa somoi ong-a? Ua somoio mai ong-gen ine sa-gre aganaha (Daniel 8:14)?

Aganchakani: Uano 1,810 bilsirang dongrikugenchim ($2,300 - 490 = 1,810$). Katchinike agananina bon-kamgipa somoide 1844 ong-a ($AD\ 34 + 1810 = 1844$). Salgini toRomrangna nokdring rongtalatako man-nok ine sa-gre aganaha—chong-motan, salgio bichal ka-ani a-bachenggnok. (A-gilsakni toRomrangna nok AD 70 o nisiatako man-aha. An-ching Poraiani 17 o skie ra-manaha je salgini Namrimgrikani Salko bon-kamani somoina donsoman-aha. Da-o an-ching u-iaha je a-bachenggipa somoiara 1844 bilsian ong-a. Isol ia somoiko donsoaha. Ian AD 27 o Jisuko Messaia ine to nonganio gita chong-mot ong-a. Isolni bon-kamgipa somoini manderang iani gimin u-iatna nangchongmota (**Parape-a 14:6, 7**). Na-a ia bichal ka-ani gimin chu-gimik skie ra-na Poraiani Lesson 19 o niko skie ra-na kusi ong-gen. Noahni salo, 120 bilsirango Isol chi dubiatachi bichal ka-aniko dakgen ine aganaha (**Abachenga 6:3**)—aro uan ong-aha. Danielni salo, Isol agananiko dakaha je Uni bon-kamgipa bichal ka-aniko 2,300 bilsirango a-bachengatgen (**Daniel 8:14**)—aro uan ong-aha! Isolni bon-kamgipa bichal ka-ani 1844 bilsionin a-bachengagaha.



Nangrimaniko Dakani Orto

English kattao “nangrimaniara” “ku-monggrikani” ine miksonga. Ian ku-cholsan nangrimaniko mesoka. Chu-sokgipa nangrimani a-bachengonin salgi a-sak gimikon dongaha. Uni jamano, Lucifer, namen bilakgipa sa-gre (na-a Poraiania lesson 2 skie ra-aha gita), Isolko aro Uni sorkarini niamrangko ra-biaha. Bakgittamni baksa sa-grerang Luciferi bobil dakanio bakko ra-aha (**Parape-a 12:3, 4, 7-9**).

Ia Isolni aro Uni ka-saani niamrangni kosako bobil dakanikon Sastroo pap ine mingaha (Isaia 53:6; 1 Johan 3:4). Ian ka-tongna sa-dikaniko, jajaanirangko, bildingbildang ong-aniko, dukko, ka-beanirangko, kalimaniko, kakket ong-gijaniko, aro pilak rokom namgijianiko ra-baa. Pilakna bate namjabatsranggipade, uni sastiara sianian ong-a (**Romrangna 6:23**)—jeonin chakatpilani dongja—wa-alni gondoko nisiataniko man-a (**Parape-a 21:8**). Papara tarakbate gipangna mana aro cancer sabisina bate kenbatgnigipa ong-a. Ian a-gilsak gimikko kenbegnigipao ong-atna man-a.

Uni gimin Isol Lucifer aro uni sa-grerangko salgioniko galataha (Parape-a 12:7-9) aro Lucifer gitalgipa bimungko man-aha—“Satan” jeni orto “bobil” ine ong-a. Uni ga-akgimin sa-grerangko da-o korerang ine mingaha. Satan Adam aro Hobako tol-napaha aro pap pilak mandeni jatona re-baaha. Ian mairongpilgipa kenbegnigigipa dukni obosta ong-aha! Nama aro namgijani gisepo dakgrikani namgijaniara a-gilsak gimikona gipangaha, aro namgijanian dakgrikanio cheenga gita nikmanpilaha. Obostarangko ka-donggijanio ong-eng dake nikmanpilaha.



Indiba ong-ja! Jisu, Isolni Depante— An-tangan papni sastiko papi sakantina gamchakna An-tangni janggiko on-na namnikaha (**1 Korinthisrangna 5:7**). Uni sichakaniko ra-chakanichi, papirang papni kaaoni aro dosi ong-anioni jakgitelataniko man-gnokchim (**Romrangna 3:25**). Ian rasongan gapgipa daksamsoaniara jensalo Uko re-bana okamon, Jisuni mandeni ka-tongo napeaniko (**Parape-a 3:20**) aro uko gitalgipa mandeona dingtangatanikoba man-gopaha (**2 Korinthisrangna 5:17**). Iako Satanko warachakna on-aha aro gisik pil-gipa mande sakantikon Isolni bimangona ong-atpilna on-aha, jeon pilak manderangan ong-atako man-ahachim (**Abachenga 1:26, 27; Romrangna 8:29**).



la nampilaniko dakna on-aniara papko dingtangtna aro uko niasiatna miksonganikoba man-gopa—chong-motan Satan, uni ga-akgimin sa-grerangko, aro pilak jerangan unbaksa bobil dake chakataha (**Mati 25:41; Parape-a 21:8**). Aroba, Jisu aro Uni ka-saan gapgipa sorkari aro Satan aro uni namgijaan gapgipa sason ka-anini pilak bebe ong-aniko mande sakantionan ra-anggen jedakode sakantian gisik seng-e, Kristo ba Satan baksa nangrimna chanchianiko dakna man-gen (**Mati 24:14; Parape-a 14:6, 7**).

Mande sakanti sakprakni obstakon salgini kachario sandianiko dakgen

(**Romrangna 14:10-12**) aro Isol mande sakanti sakprakni Kristo ba Satanna dangdike on-aniko mande ra-gen (**Parape-a 22:11, 12**). Bon-chote, papko kimita galani ja-mano, Isolni miksonganiara gital salgisak aro gital a-gilsakko ong-atanian ong-a (**2 Pitor 3:13; Isaia 65:17**), jeon pap mamungdakeba chakattajawaha (**Nahum 1:9**), aro ia gital a-gilsakko Uni manderangna jringjrotna uamangni dongchakram nok dakna on-gen (**Parape-a 21:1-5**). Pagipa aro Depante uamangni manderang baksa chu-sokgipa katchaanio aro pangnajolna damsang ong-anio dongkamgen.

la pilakkon “changsano-nampilatano.” man-gopaha. Isol an-chingna iani gimin Uni Kattao aro Niam Gitchamni toRomrangna tambuo dangdike on-anirango mesokaha—mongsongbate Namgrikani Salo. Ia namgrikaniko dakanio Jisuan mongsonggipa pangchakani ong-aha. Uni an-chingna ka-saanian gape boli on-anian ia pilakko chu-sokatna dakchakaha. An-chingni janggi tanganirango aro a-gilsak aro salgisakoni paponiko naljokaniko man-nade Uchisan mangmang ong-na ama (**Watatarang 4:12**). Beben salgini a-gilsakna bon-kamgipa nama kattade Uko olakkina an-ching pilakkon okamanian ong-a (**Parape-a 14:6-12**).

14

Maina mitam Sastroko pe-giparang 490 bilsirangni bon-kamgipa antiko (ba 7 bilsirangko ra-gale galaha jekon Jihudi jatna on-ahachim aro uko a-gilsakni itihasi matchoto antichristni kamna jakkalskaaha?)

Aganchakani: Hai an-ching bebe ong-anirangko nipilate nina:

- A. 490 katchinike aganani bilsirangni gisepo bangbang ong-gipa on-jotna uano mamungba ka-dongatani ba sakki dongja. Ian joljol ong-angkua, maina ian **Daniel 9:2** o janapgipa Isolni manderangko 70 bilsirangna rim-gittangaona ra-angani ong-ahachim.
- B. Sastroo somoirangko joljol chanana agre (salrang, antirang, jarang, bilsirang) mamung jeba gipin dongja. Uni gimin, jerangan katchinike aganani je bakkoba ra-galna nanga aro ja-manosa channa nanga ine a-kange ra-giparangnade chong-mot ong-a ine sakkiko aganna neng-nikani ong-a.
- C. AD 27 (Jisuni atchiani bilsil) ara katchinike aganani dongpsa bilsil 7 rangni a-bachengani somoi ong-ahachim jekon Jisu bakkak skipraniko dake talataniko dakaha, chong-motan "Sal chu-sokaha" (**Mark 1:15**).
- D. Uni AD 31 o siani somoio, Jisu "Matchotjok" (**Johan 19:30**) ine chrike agane janggi galaha. Iano Jokatgipa rongtalbeen Daniel 9 o Uni siani gimin agansoaniko aganengachim.



- 1. Messia "den-sotako man-gen" (**pod 26**).
- 2. Ua "hom aro bolirangko bon-atgen" (**pod 27**), chong-motgipa Isolni Mes Bi-sa ong-e sigen (**1 Korinthirangna 5:7; 15:3**).
- 3. Ua "dosni gimin nangrimpilatna" (**pod 24**).
- 4. Ua "anti samsana hom aro bolirangko bon-atgen" (**pod 27**).

Bon-kamgipa bilsil sniko (katchinikani anti) 490 bilsirangoniko dingtangatna uano Sastroi gita a-sel dongja. Beben, bon-kamgipa bilsil sniko 490 katchinikani bilsioniko dingtangatgenchimo Daniel aro Parape-ani ki-taprago segipa bang-a katchinike agananirang chong-motgipa ortoko dingtang dakesa nikatskagnokchim jekon manderang chong-mot ong-e uarangko u-ina man-jawaha. Namjabatgipa ong-anide, bilsil sni bangbang dongja ine skianira manderangko dilsretanionasan dilangaigen!



15

Jisuni boli on-aniko nang-nan dakaha. Na-a Uko nang-ni janggi tanganio paponiko nang-ko rongtalatna re-bachina okamjawama?

Nang-ni Aganchakani:

Nang·ni Sing·anirangna Aganchakaha

1. Chongipa grong ge-sa bilko Daniel odhai 7 aro Danel odhai 8 nikna man-a. Uarangara apsangipa bilma?

Aganchakani: Daniel 7 chongipa grong popeko mesoka. Daniel 8 songsarek aro popechi sason ka-gipa Rome mingniko mesoka.

2. Daniel 8:14 ni “Hajalgni ritchagittam salrang” ko lbri kattaoniko pe-skaode indake poraiskara, hajalgni ritchagittam attamrang aro pringrang.” Mitamrango aganani gita, iara 1,150 salrangko miksongama?

Aganchakani: Indake ong-ja. Satro Abachenga 1:5, 8, 13, 19, 23, 31 rango mesokaha je attam aro pringde salsa baksa apsan ong-a. Unbaksana, uano 1,150 salrangni matchoto serikanio mamung obosta ong-ani dongja jean ia katchinike seaniko chu-sokatgenchim.

3. Kristianni janggi tanganio basee ra-aniara maidake kam ka-a?

Aganchakani: An-chingni basee ra-aniara mingsa nangchongmotgipa bak onga. Isolni ramade pangnan jakgitele basee raa-ni ong-a (Joshua 24:15). Ua sakantikon jokatna nangnikgenchimoba (1 Timothy 2:3, 4), Ua jakgitele basee ra-aniko dakchina on-a (Deuteronomy 30:19). Isol Satanko bobil dake chakatna basee ra-aniko on-aha. Ua Adam aro Hobakoba bamgija dakna basee ra-aniko on-aha. Toromi ong-aniara mamungdakeba mandeko chipchapchange donna, tarigimin ong-ja, jechin mandeko je dagkipa janggi tangoba salgiona re-angna sikjaoba rimangaigen. Basee ra-anio na-a pangnan nang-ni chanchianiko dingtangatna jakgitel ong-a. Jisu nang-ko An-tangko basechina aganaha (Mati 11:28-30) aro nang-ni salantio basee ra-aniko daktaitaichina aganaha (Joshua 24:15). Jensalo na-a dakon, Ua nang-ko dingtangatgen aro nang-ko Ugita ong-atgen, aro bon-chotao nang-ko Uni gitalgipa songnokona rimanggen. Indiba kasapae gik rabo, naa pangnan gipin ramachina je somoioba anpile reangna jakgitel ongaia. Isolde nangko drajawa. Uni gimin, nang-ni salanti Una dangdike on-aniara namen nangchongmotgipa ong-a.

4. Bangan Seleucid raja Antiochus Epiphanesko Daniel 8 ni chongipa grong ine bebera-a. lan ongja ine maikai an-ching bebera-gen.

Aganchakani: Ua bang-a a-selrang donga. lano aditarang donga:

- A. Antioch Epiphanes katchinike aganani gita “namen dal-roroanggipa” ong-jaha (Daniel 8:9).
- B. Ua katchinike aganano dakna nangani gita, “bon-kamaona” ba Seleucid songnokni bon-kamachibaraona sason ka-jaha (Daniel 8:23), indiba, chasong bijatchi jolonasan sason ka-aiaha.
- C. Jerangan Epiphanesko chongipa grong ine skia uamangde 2,300 salrangko katchinike aganani salrangni pal-jean salsa bilsisa ong-a, chong-motgipa salrang ong-a ine chanskaa. la somoi bilsa dokna on-tisa badeaniara Daniel odhai 8 o segipana orto gnanggipa jakkalani ong-jawaha. lako chong-mot kapgipa bilsa ine pilakko dakna jotton ka-aniara Epiphanes chu-sokjaha ine mesokna kragipa ong-a.



- D. Chongipa grong “bon-kamangipa salrang” (**Daniel 8:12, 17, 19**) ona kingkingba dongkuenga, indiba Epiphanesde 164 BC on siah.
- E. Chongipa grong, uan salgipengchina, salaramchina, aro rasong nganggipa a-songchina “namen dal-roroangaha” (**Daniel 8:9**). Epiphanes Palestineko dikdiksa somoina sason ka-ahaoba, ua Egypt (salgipeng), aro Macedoniaode (salarang) indakpilede chu-sokgipa ong-jaha.
- F. Chongipa grong Isolni toRomrangna nokni biapko galonaha (**Daniel 8:11**), Epiphanes Jerusalemo donggipa toRomrangna nokko nisiatjaha. Ua uko mitchinikahachim, indiba uko Romrangchisa AD 70 jolo nisiatahachim. Katchinike agansoani gita (**Daniel 9:26**), ua Jerusalemkoba nisiatjaha.
- G. Kristo **Daniel 9:26 aro 27** ni toRomrangna nokko nisiatgen ingipako batanggimin somoio Epaphanesni 167 BC jolo namgija kamrangna jakkaljaha indiba mikkangchi ta-rake ong-nasigipa obostani giminsa aganaha jensalo Romeni sipairang Jerusalemo aro toRomrangna nokko An-tangni chasongo AD 70 o nisiatgenchim (**Luk 21:20-24**). **Mati 24:15** o, Jisu dingtangmancha dake Daniel katchinikgipani gimin janapaha aro aganaha je Uni **Daniel 9:26, 27** ni gimin agansoani chu-sokgenchim jensalo Kristianrang mikkangchi toRomrangna nokko nisiataniko Jerusalemo “rongtalgipa biapo chadenge” nikgenchim. lan ma-sisretna namen rongtalbea.
- H. Jisu rongtalbeen Jerusalemo nisiataniko Israelni bon-kamgipa somoio Uko an-tangtangni Raja aro Jokatgipa ine ra-chakna jechakani baksa nangrimataha **Mati 21:33-45; 23:37, 38; Luk 19:41-44**). la Messiako jegalani aro songjinma aro toRomrangna nokko nisiatanini gisepo nangrimaniara **Daniel 9:26, 27** ni nangchongmotgipa nama katta ong-a. lan nama katta ong-a jekon Israelni Messiako jechakdamchaani gimin sastirangko u-iatani ong-a—Uko basena 490 bilsirangko on-dapaniko on-ahaoba. Katchinike agananiko Antiochus Epiphanesna jakkalaniara jean Jisuni atchina skang 164 BC o siah, ian Daniel 8 aro 9ni miksonganiko gimaataha—jeon Sastroni katchinike agananio nangchongmotgipa somoi dongaha.

Nang.ni agananiko ba sing.anirangko iano sebo



15



16



17



18




19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Daniel 8 ni do-bok bipa (1)**
Babylon mesoka
Medo-Persia mesoka
Greece mesoka
Rome mesoka
2. **Daniel 8 ni mes bipara sako mesoka? (1)**
Egypt
Palestine
Greece
Assyria
3. **Daniel 8 ni chongipa grongni bil (1)**
Antiochus Epiphanes mesoka
Rome, songsarek aro popeni sason ka-aniko mesoka
Isol dongja ine bebera-gipako mesoka
Ira
4. **Chengo Israelni somoio Nangrimatani Salara bichal ka-ani sal ong-achim. (1)**
Ong-a Ong-ja
5. **2,300 bilsirangoniko baditako Jihudirangna tik donmanaha? (1)**
490 bilsirang 1,810 bilsirang
700 bilsirang 100 bilsirang
6. **Satroni katchinike aganano, katchinike aganano salsara bilsisa baksa apsan ong. (1)**
Ong-a Ong-ja
7. **2,300 katchinikani bilsiko (500 bilsirangna ong-na skangan) agansomanaha je Messaia AD 27 o re-bagenchim. Ua tiktak somoion re-bagen. lan sakiko on-a je (3)**
Sastroko Gisikni dilako man-e seaha
Gabriel sa-gre rasong gnange aganchipaniko dakaha
Katchinike aganano pilak tarikangan tiktak ong-aha
Jisuan Messia ong-a.
8. **Jensalo 490 bilsirangko Jihudi jatna chamaniko AD 34 o matchotahaon, maiko sninggiparang dakaha? (1)**
Uamang gipin jatrangni manderangna skiprakna a-bachengaha
Uamang bakroe chuti ra-aha
AD 34 ni ja-manode darang Jihudiba jokjawaha ine uamang aganaha.
9. **Daniel 8 aro 9 ni 2,300 bilsini gimin katchinike aganani gita, 1844 bilsio mai ong-aha? (1)**
Bichal kaani salgio a-bachengaha
Jihudi jatna ka-sachakani do-gako chipaha
Jisu salgichi gadoangaha
Isol pilak manderangna ka-sachakani do-gako chipaha.
10. **Salgini Nangrimani Sal, a-gimikkon Isol baksa nangrimataniona ra-bagen. Agananirangoni badiagipa mitam nangrimanirangna bebe ong-a? (10)**
Jisu An-tangni janggiko an-chingni siani sastina on-aha
Jisu an-chingko papni dosi ong-aoniko jakgitelataha
Jisu an-chingko chu-gimik gitalgipa manderangona dingtangataha aro dakaha
Jisu anchingko Isolni bimangona ongattapilaha
Salgini kachario, Isol mande sakantini Kristo ba Satanko dangdike on-na baseaniko mandera-a.
Chu-gimik u-iataniko a-gilsakni mande sakantiona Satanni nisiatna miksongani aro Isolni rasongan gape manderangko jokatna miksonganiko sokataha
Pap, Satan, aro papirang dingtang dakatako aro nisiatako man-gen.
Isol salgirangko aro a-gilsakko An-tangni manderangna aro uamang baksa dongna gital daktaia
Pap dongtaijawaha

Nangrimaniara Jisuni Chisolsako sichakanisa
ong-na man-aha
Satan aro uni sa-grerang gisik pil-gen aro
jokatako man-gen.

11. **Jihudi jatna on-gipa 490 bilsirangni
bon-kamgipa anti-sni bilsirangko - aro uko
antichristni kamna a-gislakni bon-kamani
sepangnasio dingtangatna Sastroo mamung
a-sel dongja (1)**

Bebe Tol-a

12. **AD 34 o, (3)**

Jihudirangna Isolni seokgimin jat ong-e
ka-sachakaniko on-gipa matchotaha
Sninggiparang gipin manderangna aro
jatrangna skiprakna a-bachengaha
Stephen, saksa toromigipa deacon ro-ong
gotatako man-e siaha

Bichal salgio a-bachengaha.

13. **2,300 bilsio (1)**

AD 34 o a-bachengaha
1944 bilsio a-bachengaha
1491 BC o a-bachengaha
457 BC o a-bachengaha.

14. **Daniel aro Parape-a katchinike agananirang
mongsongbate anchingna aro anchingni
somoina jakkalna ong-aha. (1)**

Ong-a ong-ja.

15. **Anga angni janggina Kristoni sichakaniko
ra-chakaha aro angko paponiko rongtalatna
okamaha.**

Ong-a Ong-ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsio :	Misi :		

Nang.ni contact info-ko tik dake on.bo